



Broj/Број: 03/1-50-1-9-12-7/08
Sarajevo/Сарајево, 23. 1. 2008. godine

- Članovima Zajedničke komisije za odbranu i sigurnost BiH

PREDMET: Izvještaj o posjeti Terenskom uredu Granične policije SJEVEROZAPAD –
Gradiška/Bos. Gradiška

Članovi Zajedničke komisije za odbranu i sigurnost BiH (ZK), 18.12.2007., posjetili su Terenski ured Granične policije – SJEVEROZAPAD Gradiška/Bos. Gradiška. U delegaciji su bili članovi i osoblje Zajedničke komisije: Branko Zrno - predsjedavajući, Slobodan Šaraba -drugi zamjenik predsjedavajućeg, Vinko Zorić, Mirko Okolić, Drago Kalabić, Jozo Križanović, Dušanka Majkić, Ivo Miro Jović, Dragica Hinić, sekretar, i Željko Grubešić, stručni savjetnik. S delegacijom su putovali i: Christian Haupt i Maja Zozolly iz Misije OSCE-a u BiH i Lejla Hadžihasanović iz Štaba NATO-a u BiH.

U Terenskom uredu (TU) SJEVEROZAPAD članove ZK pozdravio je Nijaz Softić, načelnik TU sa saradnicima Milenom Vicom, Željkom Anteševićem i Zvonkom Banovićem.

Gospoda Softić i Vico u svojoj prezentaciji iznijeli su:

- opće podatke o TU SJEVEROZAPAD i jedinicama GP Gradiška, Dobrljin, Velika Kladuša i jedinici za podršku i kontrolu Gradiška;
- podatke o zoni odgovornosti TU SJEVEROZAPAD;
- podatke o organizaciji TU SJEVEROZAPAD;
- podatke o kadrovskoj popunjenosti TU SJEVEROZAPAD, s pripadajućim jedinicama.

U općim podacima istaknuto je sljedeće:

- TERENSKI URED GRANIČNE POLICIJE SJEVEROZAPAD USPOSTAVLJEN JE I POČEO JE RADITI 30.4.2002.GODINE
- KONTROLIRAJU I NADZIRU DRŽAVNU GRANICU U DUŽINI OD 310 KM
- CJELOKUPNA GRANICA NASLONJENA JE NA REPUBLIKU HRVATSKU
- OD 310 KM GRANICE U ZONI ODGOVORNOSTI , 201 KM JE PLAVA GRANICA, A ZELENA GRANICA OBUHVATA POJAS OD OKO 109 KM
- U SASTAVU TERENSKOG UREDA SJEVEROZAPAD OFORMLJENE SU I FUNKCIONIRAJU ČETIRI JEDINICE GRANIČNE POLICIJE, I TO:
 - JGP GRADIŠKA, SA SJEDIŠTEM U GRADIŠCI nadzire 153,2 km granice.
 - JGP DOBRLJIN, SA SJEDIŠTEM U DOBRLJINU nadzire 69,93 km granice
 - JGP VELIKA KLADUŠA, SA SJEDIŠTEM U V. KLADUŠI nadzire 86,8 km granice.

- JEDINICA ZA PODRŠKU I KONTROLU GRADIŠKA U GRADIŠCI.

U svom izlaganju posebno su se osvrnuli na aktuelne probleme, kao što su:

- kadrovska nepopunjenost na svim nivoima u organizaciji Terenskog ureda i pripadajućih jedinica (trenutno nedostaje 79 policijskih službenika);
- prelazak policijskih službenika u druge policijske agencije, a naročito u SIPA-u, što velikim dijelom povećava kadrovsku nepopunjenost (89 ljudi napustilo TUGP u 2007.);
- nedostatak opreme za noćno motrenje i nadziranje državne granice;
- dotrajalost namjenskih prijevoznih sredstava (kros-motori, laka terenska vozila, mali čamci itd.), s kojima bi kvalitetnije nadzirali i kontrolirali državnu granicu;
- veliko šarenilo u tehničkoj opremljenosti sredstavima veze;
- GP Gradiška je malog tehničkog kapaciteta. GP Donja Gradina/Jasenovac je novosagrađeni prijelaz koji već godinu dana pripadnici GP Hrvatske nisu posjeli. Radi se o novom objektu i infrastrukturi koja bi riješila brojne probleme u tom TU, posebno kada je u pitanju saobraćaj za teretna vozila. Čeka se potpisivanje međudržavnog ugovora između Bosne i Hercegovine i R Hrvatske da bi se riješio taj problem.
- za zgradu sjedišta TU plaća se mjesečna najamnina od oko 3.000 KM, što nije dobro rješenje s obzirom na zacrtane ciljeve.

Potom su istaknuti ciljevi kojima TU teži u narednom periodu:

- dalje uređenje graničnih prijelaza i sjedišta JPK-a;
- stavljanje u punu funkciju novizgrađenog i potpuno tehnički opremljenog GP Donja Gradina/Jasenovac;
- fizičko zaprečavanje potencijalnih ilegalnih graničnih prijelaza;
- umreženje graničnih prijelaza (intranet), unutrašnji sistem veze koji omogućava razne vrste komunikacije samo za njegove korisnike, npr. zaštićena veza za sve policije.
- instaliranje savremene opreme s visokooperativnom bazom podataka na graničnim prijelazima;
- instaliranje automatskih čitača registarskih oznaka, te njihova provjera u bazama ukradenih vozila;
- nabavka sofisticirane opreme;
- popunjavanje upražnjenih radnih mjesta;
- edukacija, profesionalizacija i specijalizacija osoblja.

Čelni ljudi TU SJEVEROZAPAD očekuju rezultate u sljedećim oblastima i aktivnostima:

- bržem i efikasnijem protoku informacija između agencija za provođenje zakona;
- efikasnijoj borbi protiv svih vrsta prekograničnog kriminala;
- podizanju profesionalnih standarda za policijske službenike na viši nivo;
- brži prekogranični protok ljudi, robe i usluga, kao i njihova kontrola;
- kvalitetniju obavještajnu analizu, te analizu faktora rizika;
- kroz određene projekte s lokalnom zajednicom, približavanje rada policije građanima te stvaranje partnerskog odnosa;
- borba protiv korupcije i korupcijskog ponašanja policijskih službenika.

Nakon izlaganja načelnika Softića, članovi ZK razgovarali su s čelnim ljudima TU Sjeverozapad. Predmet razgovora bili su brojni podaci izneseni u prezentacijama načelnika, a koji idu u prilog konstataciji da je rad sve uspješniji, ali da postojeći radni uslovi ne mogu biti faktor na koji se pripadnici TU Sjeverozapad mogu oslanjati u narednom periodu.

Članovi ZK obišli su granični prijelaz Donja Gradina/Jasenovac i uvjerali se o detaljima koji su istaknuti u prezentaciji.

Iz realizirane posjete proizilaze sljedeći zaključci:

1. Potrebno je posebnu pažnju posvetiti rješavanju problema koji treba da zaustave odlazak stručnog osoblja iz GPBiH;
2. Daje se puna podrška realizaciji postavljenih ciljeva TU SJEVEROZAPAD;
3. O problemima u radu TU SJEVEROZAPAD članovi ZK upoznat će Ministarstvo sigurnosti BiH i Vijeće ministara BiH, te insistirati na stvaranju boljih uslova za još djelotvorniji rad, a prije svega na adekvatnom rješenju smještaja, izgradnji i opremanju graničnih prijelaza;
4. Problem s graničnim prijelazom Donja Gradina/Jasenovac treba što prije riješiti potpisivanjem međudržavnog ugovora između BiH i Hrvatske, a inicijativu za njegovo rješavanje treba pokrenuti direktor GPBiH, preko Ministarstva sigurnosti BiH i Vijeća ministara BiH.

Predsjedavajući
Zajedničke komisije
Branko Zrno